



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 17. Papa Lugdunum venit.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

eodem anno 1240 ab Episcopatu Lingonienſi ad Leodiensẽ translatus, ut Archiepiſcopus Remenſis evaderet, ſubditis & Clero ſuo grandes penſiones imperaverat (nam pecuniis in ejuſmodi caſibus non parcebatur) neque tamen votorum metam attigit. Denique hoc ipſo anno 1244 Juhel Meduanenſis ex Archiepiſcopo Turonenſi Remenſis eſt factus.

Franciæ Proceres dixerunt, ſe non permiſſuros, ut Papa ſedem in Regno ponat. Ne ejus præſentia dignitatem Regiam obſcuraret, veriti, juvenem Regem ſuum inter ac virum in negotiis verſatiſſimum diſcrimen nimium videbant, ſciebantque, Aulam Pontificiam hoſpitibus ſuis oneri eſſe. Rex igitur ex Procerum ſententia reſpondit, verbis tamen humaniſſimis. Tum Papa miſit, qui ab Arragoniæ Rege idem poſceret, pariterque repulſam accepit.

Ad Regem Angliæ quod attinet, huic Cardinales quosdam quaſi ultro ſcribere Papa juſſit hunc in modum: *Tanquam amici utile Tibi ac honorificum damus conſilium, Papam per legationem orandi, ut Regnum tuum, ad quod peculiare juſ habeat, præſentia ſua honoret. Nos eum in vota tua flectere pro viribus conabimur. Immortali tibi gloriæ erit, ſi ſummus Pontifex ipſe in Angliam adibit. Sane nunquam id hætenus, quod ſciamus, accidit.*

West-

Sæcul. XIII.
A. C. 1244.

*Ægyd. Aur.
Val. c. 134.*

*Duchesne
to. 5. p. 342.*

*Matth. Par.
p. 576.*

Sæcul. XIII.

A.C. 1244.

Westmonasterii delicias & Londini opus spectandi desiderio se teneri aliquando dicit, quod non sine gaudio meminimus. Jucundum Regi fuit hæc legere; facileque se induisset in laqueum, nisi prudentes viri eum cohibuissent dicendo: Romanorum usuris & sacrilegis mercatibus jam nimis infecti sumus: nec opus est, ut Papa hinc veniat Ecclesie ac Regni bona direpturus.

*Mon. Pad.**an. 1244.*

Sic exclusus Innocentius Lugdunum petere statuit, urbem neutrius partis sueque Archiepiscopo tunc subditam. Ergo relicta Genua tanquam asylo non satis certo, terras Comitis Sabaudie transit; ubi sub diem festum S. Lucæ, nimirum medio Octobri versabatur: denique circiter medium Decembrem Lugdunum advenit comitante Sabaudie Comitis Amati IV. fratre Thoma. Hic prima conjugæ suæ Joanna Flandriæ Comite, Balduini Imperatoris Constantinopolitani filia an. 1244 sine liberis mortua, alteras ad nuptias cum Beatrice Fiesca Summi Pontificis nepte processit, e qua alias inter soboles suscepit Amatum V. postea Sabaudie Comitem.

§. XVIII.

S. Ludovicus ægrotat.

Paucis antea diebus, quam Papa Lugdunum adveniret, Rex S. Ludovicus Pon-